

民國文獻類編

社會卷

39

民國時期文獻保護中心
中國社會科學院近代史研究所
編

國民
文獻
類編

國家圖書館出版社

民國文獻類編

社會卷 39

民國時期文獻保護中心
中國社會科學院近代史研究所 編

國家圖書館出版社

Z812.6

10/39

2013/09/03

山西省政府查禁毒品委員會編輯處 編

山西省禁毒彙編(二)

山西省政府查禁毒品委員會編輯處，一九三四年出版

第三九冊目錄

山西省禁毒彙編(二)	山西省政府查禁毒品委員會編輯處編	山西省政府查禁毒品
委員會編輯處，一九三四年出版		

訓令軍法會審依審理料犯趙榮生等並檢發料面兩包仰查

照文

禁字一七三號 二十年十二月十四日

爲令遵事。據本會第十一號調查員呈稱。敬肅者。茲查得本市舊滿城四十五號住戶趙榮生。與東官房南官房等處。有勾通。大販賣料面。迭經公安局方面。一再檢查。雖未檢查出來。然販賣仍然照常。昨晚十一時許。由眼線前往設法。以一元現洋。購買料面。當即購出。職因証據確鑿。一面請閭君庭槐叫保安警察隊四五人。協同前往檢查。一面復託眼線以三元現洋再進去購料面。亦曾如數購出。報告購買情形。職聞悉之下。即帶便衣警進去檢查。趙榮生知覺。即跑往廁所。將大宗料面擲毛坑。便衣警知覺。即由廁所內將趙榮生抓出。會同街長地方。二區警長等。由趙榮生身上檢出分料子銅籤子一件。上仍帶料子少許。門窗上檢得料子十小包。屋內檢得似料非料紅色約面一包。廁所毛坑裡撈出少半包。重約一錢許。想當初未擲入毛坑前。重必在一兩以上。並檢得現洋二元三角。票洋七元三角。除將趙榮生及料子等物。並嫌疑犯杜某李鳳鳴。一併由保安警察隊帶回。轉送臨時軍法會審處嚴訊外。謹將檢查經過詳情函報。再職前請閭君庭槐叫保安警察隊派便衣時。適本會第十五號密查員。亦往該隊叫便衣協往搜查毒品在職。檢查趙榮生時。十五號亦在場內。特爲陳明。敬祈鑒核等情。正核辦間。復據該調查員呈稱。敬肅者。竊查職六日晚捉獲販賣料面。歷有年所。發財鉅萬之舊滿城四十五號趙榮生。在未破案前。

一日晚十一時許。由眼線購得趙某一元料面。購出後。當地警士見眼線某形踪可疑。即尾追其後。眼線某見機不佳。即將料面擲入火爐內。六日晚。復託眼線二人以三元現洋。再前往購買料面。當即購出。業已函報在案。惟証物當時忘記呈交。茲特將料面二包。隨函附呈。敬祈鑒核等情。附購得趙榮生三元現洋。料面兩包。據此。除令飭省會公安局。迅將料犯趙榮生等。連同毒品財物。解交該會審。並查封其家產外。合亟檢同料面兩包。令仰該會審依法審理。並將審理情形。具報備查。此令。

附發料面兩包

訓令

正太路禁煙稽查總隊
禁煙稽查第四段總隊

飭該隊遵照省政府財字第二五四一號訓令

各機關各縣支發經費辦法並轉各縣分隊遵照文

秘字一九二號 二十年十二月十七日

爲訓令事。案准山西省政府交來財字第二五四一號訓令。各機關各縣支發經費辦法。文曰。爲令遵事。本府委員兼財政廳長仇曾詒提議。查本省賦稅等款。現奉省政府令。自十二月一日起。一律按現洋征收。舊發省鈔。亦經奉令。自明年一月十五日起。每元按一角五分兌現。金融問題。業已解決。所有各機關各學校經費內。除師範生。暨貧民生膳費。已有規定外。其餘薪俸工餉。並公雜旅費。以及監所囚糧。自應另定支發辦法。以資遵守。查本省國家地方收入。每月不過一百四十餘萬元。而每月應支軍費。按一百

一十餘萬元。政費爲七十餘萬元。收支相抵。不敷甚鉅。數月來。騰挪借墊。虧累已多。兼之本省整爲金融公債。業經措充。撤收省鈔的款。而原指之公債基金。早經挪作軍費之用。尤不得不另籌抵補。茲爲雙方兼顧起見。擬自十一月份起。收政費一項。仿照軍餉辦法。無論經常臨時。一律照原預算數。按八成核發現洋。以資撙節。一面整頓各項賦稅。增加收入。如此辦理。則公債騰金。既可逐漸騰出。依期付息還本。而各項經臨費用。表面上雖略有減少。但按現時分別支給鈔現辦法。詳加核算。自亦所差無幾。推行當無大窒礙。至各機關各學校。十月以前未領經費。是否亦然。此次規定。按八成支發現洋。抑或仍照前定辦法辦理之處。理合一併提出。即請公決一案。經本府第七十三次例會決議。自十一月份起。本省國家及地方各機關各學校。均按照原預算以八成支發現洋。其節減之二成。作爲金融公債之一部。另款存儲。至十月份前未領經費。仍照原定辦法辦理。等因。除分別函咨。並通令外。合亟令仰遵照。並轉飭所屬一體遵照。此令等因。除分令外。合亟令仰該總隊遵照。並轉所屬各縣稽查隊。一體遵照。此令。

訓令榆次縣依法審理毒犯南慶軒郭保六等一案并報備核

文

禁字二三四號 二十年十二月二十二日

爲令遵事。據本會第十一號調查員報稱。敬肅者。職上次赴榆次調查毒品。詳情業經函報在案。忽於本月九日。接得榆次眼線電話報告。着速赴榆。接電後。職即於十日。乘正太快車赴榆。抵榆後。眼線紛紛報

告。謂大南關河港街門牌十七號。著名販吸料面南慶軒郭保六南某妻名郭心愛。素日結識青年浪子。並縣政府人員公安局巡官管獄員與軍界官長南某。因之杖勢。遂明目張胆。販吸料面。買賣均由伊妻郭心愛辦理。郭保六不但自吸。及大賣料面。每日往其家購吸。暨購買轉售者甚多。等情。職聞記之下。後再設法調查。以期確實。而免警擾良善人民。再調查南慶軒郭保六販吸料子。確實無訛。後因該郭犯等住宅。一連四五院。地勢很大。大門便門又多。常即決定於十一日下午二時。除面請正太路禁烟稽查隊。稽查隊派隊兵十餘名。及李總隊長。協同前往。並函請榆次縣公安局派幹警十名候用。屆時各集禁烟稽查隊隊部。職即率領兵警前往。會同該地街長副搜查。查得南慶軒細料面一大包。計毛重七錢。機器泡二個。及料紙烟筒一個。現洋票十七元。現銀元十一元。其妻郭心愛適不在家。郭保六細料子兩小包。(計包一包)分料子鏟一個。戥子一件。現銀元三十八元。現洋票四元四角。現洋分票八角三分。省鈔票十元零六角。郭侯氏廚房內。查得給伊送煤炭的車夫李二狗。檢次李塢村人。除伊將料面擲入火爐及掃地上外。由手中檢得包料子紙二塊。紙上仍帶有料面痕跡。並分料子鏟一個。要逃未逃走之嫌疑犯郭火尙。檢舉一併帶往禁烟稽查總隊。據南慶軒面稱料子係昨日第五路姓黎的送來一大包。除吸以外。現剩七錢許。機器泡由厨夫代買的。平素斷不了向郭保六買一兩塊錢。料面伊平日賣料面。雖也知道沒有人抓他的原因。因我與縣政府主計員管獄員公安局石巡官兆麟王巡官于祥常有來往。石巡官借過大洋一千元。王巡官亦借過我的錢。據郭保六面稱。料子自用。料子素日都是買的城內蘆家街

郭根蠶。亦名郭根根的。近日因毒品查禁很嚴。郭根蠶料子。時常在身上帶的。每日向各處分送。平素斷不了有人向我分些吸。本院郭侯氏南慶軒與侄媳們均分過我的料子吸。據郭和尙面稱。郭保六是我的叔叔。他專指賣料爲生。有些親戚們斷不了着我問他買些。自己不吸。也不賣。據李二狗面稱。料子買的郭保六的。等情據此。郭保六等販售料面。証據確鑿。當將料犯郭保六。南慶軒。李二狗。暨嫌疑犯郭和尙並証物。一併函送榆次縣政府。暫爲管押。並候鈞會鑒核外。謹將詳細經過情形。函報敬祈鑒核等情。據此。查該公安局巡官石兆麟。王子祥有受料犯賄賂情事。除另電先行看管外。合亟令仰該縣。將該犯等嚴加審訊。如偵查該犯等確係販賣。及該巡官等確有受賄情事。應即先報本會。以憑核辦。此令。

訓令文水縣依法審理料犯王育贊宋占標李克廣等並報備

核文

禁字三三三號 二十年十二月二十二日

爲令遵事。據本會文水傳密查員報稱。呈爲呈報事。竊查職本月十三日。由文永東鄉反回交城後。據報文永縣管獄員王育贊。料癮頗深。兼有以販賣古董爲名。託文水縣南胡家堡村民胡建先。乳名胡四兒者。由太谷於自行車大樑內。裝運毒品情事。等情據此。職即於十四日下午九時。率警士宋永勝宋士奎等。偕同該縣公安局助理員武相賢。前至該看守所該管獄員王育贊辦公。及臥室等處詳細檢查。當於該管獄員室內。查出毒品毒具二十餘件。除該管獄員王育贊因事赴省。未克當場抓獲外。當將該所書記李克廣。該管獄員內兄宋占標。連查出毒品毒具一併交由文水縣政府先行分別收押。至該管獄員

王育贊。是否僅吸食。抑兼販賣。職以未有確據。不敢臆斷。所有由該管獄員王育贊室內查出之毒品毒具。理合造具清冊。備文呈報。伏祈鈞鑒等情。據此。查該管獄員王育贊身為獄吏。竟在房中搜出毒品毒具多件。實屬不法已極。究係何人吸食。抑兼販賣。合函令仰該縣長。嚴加審訊。審辦情形。具報備核。此令。

訓令平定縣依法審理毒犯張子明並具報備核文

禁字二五五號 二十年十二月二十四日

為令遵事。據正太路禁烟稽查隊第三段隊長呈稱。呈為呈報事。據報陽泉上站街副張子明（即張金煥）久販毒品。聲名素著。經偵查確實。於十二月十六日。帶隊兵十人。並知會陽泉公安局街公所。前往搜查。計查得料塊一包。毛重二分。乳糖一紙袋。毛重六兩二錢。乳糖一布袋。毛重五兩六錢。乳糖一小包。毛重三錢五分。分厘小戥一桿（戥盤戥盒俱粘有料面）洋鐵料灰盒一個。連灰毛重一兩。料灰一包。毛重五錢。烟釵三根。銅烟板二個。銅烟挖一把。燈罐一把。料子槍帶一套。和料匙一把。盛毒品手提包一個。現洋九十元。現洋角票八元九角。晉鈔票四十六元。晉鈔角票二十元二角。晉鈔銅子票十二吊。現銅子六十吊。零七百八十文。遂連同毒犯一併帶隊。隊長當即預訊。該犯依稱。搜出毒品。是伊妻吸食。不承認販賣行為。查該犯販賣毒品。陽泉站上。婦孺皆知。且恃街副之地位。官人多畏避而不敢問津。又收藏嚴密。詭計多端。偵查時尤為困難。隊長接事之初。即有多人報告。並謂運進毒品。俱係大宗輸入。伊子在鐵路服務。輸送往來。均甚便利。及至查獲毒品。因有吸食毒具。又狡稱伊吸食。以圖減輕罪惡。要知個人吸

食何須購進整袋乳糖。概不販賣。何須分厘小戥且戥盤戥盒。滿粘料面。足知業務繁盛。購買人多。至搜出欸項現洋。與現洋角票。晉鈔與晉鈔角票。現銅子與晉鈔銅子票。各色都具。又可知其事業興隆。而收入甚豐。至搜獲吸食料面毒具。當是應酬主顧。以廣招徠之川。統核上述情事。足可証明該犯確有販賣行爲。況身充街副。應當潔身自持。作村閭之表率。該犯既不砥品礪行。反私行販賣毒品。其情尤爲可恨。其罪尤當嚴懲。事關禁毒要案。除毒犯毒品毒具欸項。送交平定縣政府法辦外。理合具文呈報。恭祈鑒核施行。等情據此。除指令外。合亟令仰該縣長。依法嚴加審理。勿稍庇護。並將審理情形。具報備核。此令。

通令各縣縣長以本會第八次全體委員會委員孟元文臨

時動議各縣對於懲治製販毒品暫行條例及辦理手續多

未明瞭擬由會詳加解釋通令遵照辦理文

禁字二四九號 二十年十二月二十四日

爲通令事。本會第八次全體委員會。委員孟元文臨時動議。各縣對於懲治製販毒品暫行條例。及辦理手續。多未明瞭。擬由會詳加解釋。通令各縣遵照。請公決一案。業經決議照辦。等因。茲由本會擇要解釋如左。(一)查暫行條例第三條。凡製造販賣運輸。或意圖販賣而持有前條毒品者。交由臨時軍法會審判之。其在各縣發現者。由縣長審判之。係謂在省城以內查獲製販運輸毒品案件。皆交臨時軍法會審判。外縣查獲者。即歸縣政府審理。縣對審理此項案件。應用軍法官資格。並按軍法性質。得行嚴訊。

惟外縣查獲之案。本會於必要時。亦得提解來省。交由軍法會審審判之。第四條。凡前條未經規定之犯罪。仍歸普通法院辦理。其吸食者亦同。係謂本條例第二條規定之毒品。爲本條例懲治之範圍。其未經規定之鴉片。罌粟殼等犯。仍歸普通法院辦理。其吸食丹料之犯。亦按禁煙法辦理。第五條。犯第三條之罪者。處以死刑。係謂凡犯第三條規定之罪。即依第五條處死刑。不因抓獲物數量之多少而有區分也。查暫行條例。業於十一月一日公布在案。及各縣對於製販毒品案件。或辦理手續不合。或仍按禁煙法辦理。或呈請從輕依禁煙法辦理者。均屬不合。應注意更正。(一)查製販運輪毒品案犯。按條例均處以死刑。本會對於辦理製販運輪毒品案件。亦極爲慎重。故于第十四號訓令。令對於製販等案件。每案呈報本會二次。抓獲後。立即呈報一次。以杜關說人情等流弊。判決後。再報一次。以便處分查封之家產。再製造運輪毒品案犯。抓獲後。即知其爲製造。爲運輪。自可依令。立即呈報。惟抓獲販賣案件。有時與吸食案件。未能立即決定者。本會又恐該縣長悞販賣爲吸食。以致奸民漏網。又恐悞吸食爲販賣。以致誣枉人命。故又令對此項案件。得先行預審一次。審明確係販賣。即報本會。如爲吸食。即無庸報會。乃各縣或于抓獲製販等案。未能依令立即呈報。或于吸食案件。亦專案呈報者。均屬不合。嗣後均應注意糾正。以重功令。再本會第十三號訓令。所頒之查禁毒品月報表。係專令填列製販運輪毒品案件。藉以統計全省獲案數目。考核各縣辦理成績。各縣除每案呈報外。應將每月所獲製販等案件。填入表內。呈報以便稽核。又本會第二十七號訓令。所頒吸食毒品案犯追源月報表。係令該縣注意毒品之來源。蓋既有吸

食必有販賣。由吸食而追究販賣。易以收效。該縣對於查禁毒品是否認真。全由此稽核。乃各縣或于查禁毒品月報表內。填列吸食案件。或于追源月報表內。填列鴉片案件。亦屬不合。應注意糾正。除分令外。仰即遵照分別辦理爲要。此令。

訓令調查員傅世英以據文水縣管獄員王玉璣呈控該員挾

仇裁賍失丟錢物等情令飭詳細答復文

禁字二四五號 二十一年十二月二十六日

爲令遵事。據文水管獄員王玉璣稱。呈爲挾仇裁賍。失丟錢物。懇請派員澈查。以明真相而免誣枉事。竊玉璣自民國二十年三月調任文水管獄員。黽勉從事。十月于茲。不惟玉璣本身素無吸食嗜好。即因役染有嗜好者。亦無不親身督戒。化莠爲良。事實俱在。非敢自譽。茲於十二月二日。因要事在縣長前請假赴省。未及回署。於十五日有公安局巡官劉子寬到省。言稱傳密查員昨夜在玉璣處。搜出料面煙具等物。玉璣聞之。不勝託異。因思玉璣處並無違禁物品。何以竟能搜出。及回文後。見縣長與公安局長。均言昨夜絲毫動靜不知。今竟鬧出此事。及詳細查考。始知傳密查員因仇裁賍。並搗毀門箱谷鎖。謹爲我委員長縷晰陳之。(一)該密查於民國十四年署理壺關縣長。因毒打保衛團丁。逼入天門會。以致全縣匪警人民蹂躪不堪。彼時玉璣曾聯合全縣各紳。遞稟控告。蒙省府撤職。該密查因此恨恨。時謀報復。玉璣調任文水。適該密查徵收文水稅務。對於監所事務。百般宣傳。冀謀破壞。但玉璣供職謹慎。無可如何。今

逢厲禁毒品奉委到文。逢人宣傳玉瓚染有嗜好。玉瓚以該密查蓄心報復。益加謹慎。故該密查到文月餘。無隙可乘。幸免意外。現在乘玉瓚赴省。始裁贓獲案。此其挾仇報復者一也。(一)該密查奉委到文。已逾一月。如果公務人員染有嗜好。目應檢查。何以不查於玉瓚在署之時。而查於玉瓚赴省之後。有無情弊。顯然可知。且獄署管獄員雖不在署。尚有負責人主任看守李漢卿在焉。又何以強迫阻止該主任李漢卿不准到辦公室。眼同檢查。更拒差役宋占標於門外。且獄署是文水縣政府所屬之監署。乃中央機關。該密查搜查時。竟帶二三私人。並不同縣縣與公安局長。或其他重要公務人員。其所搜出之毒品。究竟從何而來。何待思索。此其栽贓陷害者二也。(一)該密查吸料面。及李榮華父女恃其護符。吸販丹料。爲文水人民所共知。此次到文查禁毒品。自以爲威權無上。霸占李榮華之女。李瑞香。公然賃住城內北街高世成之家。每日吞雲吐霧。並不下鄉。祇派二三私人。到村任意查抓。受賄縱放。栽贓誣陷時有所聞。近復以案情不大。不能升官。遂多方設謀。重資賄用玉瓚已革之女看守宋氏(俗名二牛老婆)爲其傭工。查該女看守。於十一月十九日。因派主任看守李漢卿在該女看守屋內查出煙杆煙燈等物。將該女看守立時開除。傳密查利用機會。故特用之。藉資調查。經此一番調查。該密查更不敢於玉瓚在署時冒然搜帶。所以此次趁玉瓚赴省之際。用此出人意表之手段。此栽贓誣証者三也。(一)該密查此次搜查時所常之得力人物。宋繼山(係女看守之本夫)。宋芸盛係玉瓚於十月十七日因舞弊多端開除之主任看守。宋芸茂之胞弟。此二者一因革其婦。一因革其兄。對玉瓚均有嫌恨。所以甘心附從傳密查。下

此毒手。此裁賊誣証者四也。查監獄罪犯。良莠不齊。訓育極難。雖不時嚴戒。亦難免有過犯之舉。玉瓚前曾檢查監犯劉篤貞。運二則及女看守宋氏烟具烟灰等件。爲維持監所計。爲實行感化計。似不得不權衡辦理。其情節較重者。報縣懲辦。（如十一月十七日檢出胡鼠兒烟土二錢。送縣有案。）輕微者則自行訓戒。故所檢烟具均封存未毀。該密查員當時一併檢出。經看守主任。請求該密查員提出監犯。詳細對証。乃該密查不惟不准。反大聲唬嚇。不令多言。均指爲玉瓚之物。送縣懲辦。似此不分皂白。強拉硬誣。若謂非有意陷害。其誰信之。茲將所檢監犯之物。另單呈閱。請速詳查。此其挾仇陷害者五也。以上事實。均係玉瓚不能已于言者。若不詳晰陳明。我委員長雖明察秋毫。亦恐不免爲該密查所蒙蔽。素仰委員長辦事審慎。執法至公。萬懇迅派幹員。詳細調查。如有虛妄。情甘盡法認罪等情。並送搜出烟具及失物清單一紙到會。查所稱各節。是否屬實。合亟令仰該員詳細答覆。以憑核辦。此令。

訓令平遙縣依法審訊毒犯王安氏等並嚴緝在逃犯王寶魁

陳得勝歸案法辦文

禁字二七二號 二十年十二月二十九日

爲令遵事。據本會調查員郝玉振函報。在該縣王寶魁陳得勝等家中。查獲丹料毒品等件。除王寶魁陳得勝外出未獲外。僅將王寶魁之妻王安氏。陳得勝之妻抓獲送縣。等情據此。合亟令仰該縣長。嚴加審訊。如確係販賣。卽依法將該販等所有動產及不動產先行報封。至在逃之王寶魁陳得勝務飭屬嚴緝。

歸案法辦。仍將辦理情形具報備核。此令。

訓令正太路禁煙稽查總隊派員持領逕向軍械庫子彈庫提

取槍彈並報查文

秘字二九五號 二十年十二月三十日

爲令遵事。查該隊請領槍彈一案。前經指令准予轉請核發在案。茲準山西省政府秘書處函開。逕啟者。頃准山西清鄉督辦公署械字第一二號函開。逕啟者。茲准貴府公函節開。請撥發正太路禁煙稽查隊手槍十支等因。准此。除照數飭由軍械庫撥給一七式手槍十支。附件全。由子彈庫按每槍二十粒。共撥給一七式手槍彈二百粒外。相應函復。即希查照持領。分往提取。轉發應用爲荷。等因。准此。除函復外。相應函請查照。轉飭該隊持領提取爲要。等因。准此。除函復外。合亟令仰該隊長遵照。選派妥員。持領逕向軍械庫暨子彈庫分別提取。仍於領到後。具報備查。此令。

訓令軍法會審依法審理料犯郭敦文龐宗仁等並具報備核

文 禁字二七九號 二十年十二月三十日

爲令遵事。據本會第七號密查員函稱。敬肅者。竊查檢次人郭敦文。素有吸食料面暨轉購情事。密查於本月二十四日下午八鐘餘。曾付彼現洋陸角。代爲購買。四角作爲購買費。二角作爲酬勞費。買出親交密查收存。後同行至公安第一分局門首。當由密查飭警將該郭敦文扣留。除復由其手內落在地上細

料面一小包。當由警扣獲外。據該郭敦文供認。係從寧化府三十八號龐宗仁家購買。爰會同公安第一分局巡官張玉潔。帶料犯郭敦文。以及警士悅文郁等十名。往赴寧化府三十八號龐宗仁家檢查。當即搜出細料面一包。代套紙烟頭三根。白洋八元。現洋票三元四角。內有密查付過郭敦文之現洋角票一角。背面左邊有藍墨水英文字母「L」。右邊有同色之英文字母「M」。可証。此記號原係爲証明其是否販賣起見。由密查於未買之先所作。並搜出當票二十九張。據該料犯龐宗仁供稱。素在榆次北關門牌十七號成衣局雙盛永縫紉爲業。此次料面係由榆次販來。又供其舖內小夥計王五兒。亦常爲該犯購買。似此情形。如能帶該犯龐宗仁。往赴榆次。跟踪搜查。或許另有他效。是否有當。除將該轉料料犯郭敦文。暨販料犯龐宗仁。連同所搜出之証物。當如數一併交山巡官張玉潔帶局外。肅此敬請鑒核等情。計附呈郭敦文轉購細料面一小包。據此除令飭公安局迅將料犯郭敦文龐宗仁等。連同証物等件。送交該會審外。合亟連同郭敦文轉購細料面一小包。令仰該會審依法審理。並具報備查。此令。

訓令正太路禁烟稽查總隊隊長查抓榆次縣北關十七號成

衣局雙盛永有販賣料面情事並具報備核文

禁字二十八號
年十二月二十日

爲令違事。據本會第七號密查員函稱。敬肅者。竊查榆次人郭敦文。素有吸食料面。暨轉購情事。密查於本月二十四日下午八鐘餘。曾付彼現洋六角。代爲購買。四角作爲購買費。二角作爲酬勞費。買出親交